


MAY 11 1951

法
數
室
醫
學
篇
卷
一



醫
酒

文
學

集
篇

光緒三十三年歲在
丁未仲秋刊于長沙

醫學篇序

宋虞世撰養生必用方十六卷其言曰古人醫經行於世者多矣所以別著者古方分劑與今銖兩不侔用者頗難此方其證易詳其灑易用苟尋文爲治雖不習之人亦可無求於醫也玆生太史出其母恭人此篇見眎論病處方詳盡曲當足以通用備急其用意與虞世同余嘗怪世之以醫自名者每輕用人之疾嘗試其不可知之方激者至云有病不治常得中醫嗟乎豈獨醫爲然哉有意於斯道者得是書而讀之以爲應用之備其利溥矣光緒丁未三月底方撰

序

自神農嘗百草以治病迄於漢晉靈樞素問肘後諸書
代有傳人降及後世仲景謂醫中之聖其所著傷寒諸
方後學家莫不奉爲準繩故醫方集解通行於世其中
張子和劉河間李東垣朱丹溪四大家皆有偏勝處張
劉善於攻散李朱一偏於補陽一偏於補陰雖著名家
頗難取法然每見泥執古方以治今人之病動輒誤人
懿深憫之學者總以推求內經金匱古法潛心體察掇
其精華摘其所偏自能豁然貫通變化無窮如近世徐
靈胎葉天士吳鞠通王士雄費晉卿諸醫士皆能運化

古方以治今人之病其所製各方偶遇各症細察病情加減用之無不中殼其最切時人之時病者莫如吳鞠通之溫病條辨一書懿身經四次溫症得以轉危爲安皆得力於斯書者居多蓋此書仍追蹤於仲景能運化其奧旨妙在顧人津液不專攻伐而能使邪表出故善用此書者活人無算經驗者屢矣且醫之道亦豈易言哉七情六氣之感病非一端補瀉升降溫熱寒涼之藥性非一類是以非博覽羣書抱用世之才不足以語醫也亦非天資明敏工壽世之術不可以學醫也懿本女流性又不敏只因弱歲失怙奉母鄉居而家藏醫書復

甚齊備暇時流覽心竊好之今行年五十有四始研究
稍得門徑嘗見傷寒溫病世醫誤治致令夭亡良用慨
然茲將此二症病情及治法分辨明晰詳辨數章並將
溫病條辨溫熱經緯運化醫效各方摘錄成帙明澈顯
要一目瞭然及生平經歷醫效古方時方並自製諸方
選其靈驗素著分類刻出數十種庶使讀書之家人人
知醫不致受庸醫之貽誤此懿所以瓣香永祝者也
歲在光緒三十有二年丙午八月華陽曾懿伯淵著於
秣陵月圓人壽之齋

醫學篇首卷目錄

卷一

華陽曾懿伯淵著

脉論

舌色論

温病傷風傷寒辨論

傷寒温病原由

傷寒温病脈辨

傷風論

温病論

風温治法

春溫治法

溫熱治法

溫疫治法

溫毒治法

暑溫治法

溼溫治法

溫瘧治法

秋燥治法

冬溫治法

傷風傷寒初起治法

卷二

温病傳入中焦治法

卷三

温病傳入下焦治法

卷四

傷寒論治

醫學篇二卷目錄

卷一

雜症

卷二

婦科

卷三

幼科

卷四

外科

醫學篇首卷之一

華陽曾懿伯淵著

脈論

古之治病以望聞問切爲主望以辨色聞以審聲問而知受病之由切以定脈知病之虛實寒熱輕重淺深知此四端虛心謹細按經切脈定症立方須斟酌盡善方可言醫脈經論脈二十四種脈象未免紛繁徒亂人意惟張心在先生所著持脈大法八脈爲綱頗爲明晰一曰浮浮者取輕手著於皮膚之上而卽見爲表病也一曰沈沈者重手按於肌肉之下而始見爲裏病也浮沈

二脈以輕重得之此其顯然而易見也一曰遲遲者一息脈二三至或一至爲寒病也一曰數數者一息脈來五六至或七八至爲熱病也遲數二脈以息之至數辨之文顯而易見也一曰細細者脈狀細如絲主虛之病也一曰大大者脈狀粗大如指諸實之病也細大二脈以形象之闊窄分之文爲顯然而易見也一曰短短者脈來短縮上不及寸下不及尺爲素稟之衰也一曰長長者脈來迢長上至魚際下至尺澤爲素稟之盛也長短二脈以部位之過與不及驗之文爲顯而易見也又有互見之辨浮而數爲表熱浮而遲爲表寒沈而數爲

裏熱沈而遲爲裏寒又於表裡寒熱虛實六者之中審其爲短知爲素稟之衰療病須兼培其根本審其爲長知爲素稟之盛攻邪必務絕其根株此憑脈治病之秘法也。

舌色論

舌者心之竅凡病俱現於舌能辨其色症自顯然舌尖主心舌中主脾胃舌邊主肝膽舌根主腎假如津液如常口不燥渴雖發熱尙屬表症若舌苔粗白漸厚而膩是寒邪入胃挾濁飲而欲化火也此時已不辨滋味矣迨厚膩而轉黃色邪已化火也若熱甚失治則變黑胃

火甚也至厚苔漸退而舌底紅色者火灼水虧也此表邪之傳裏者也甚有脾胃虛寒者則舌白無苔而潤甚者連唇口面色俱痿白此因受溼脾無火力也脾熱者舌中苔黃而薄心熱者舌尖必赤甚者起芒刺肝熱者舌邊赤或有芒刺其舌中苔厚而黃者胃微熱也舌中苔厚而黑燥者胃大熱也甚至唇口俱黑者則胃將蒸爛矣再有舌黑而潤澤者屬腎虛也若滿舌紅紫色而無苔者此名絳色亦屬腎虛更有病後絳舌如鏡發亮而光或舌底溢乾而不飲冷此腎水虧極也以上驗舌色之大略如此視其色卽知其病之所在矣

溫病傷寒傷風辨論

古無溫病之說每遇發寒熱之症輕則謂傷風重則謂傷寒並有後世名醫審情揆理以爲冬感於寒卽時發者爲正傷寒當時不發寒氣鬱於肌膚之間至春而發謂之春溫至夏而發謂之熱病統名之曰傷寒是說頗似云寒之中人故病此症旣如此何以富貴之家深居廣廈坐擁檀榆飲酒圍爐雖經霜天雪地竟不知寒則應永無傷寒之症矣何又不然貧窮之人日夜操勞於風霜雨露之中且無衣無褐缺襟露肘皮裂肉皸豈非更多患傷寒矣何又反少此言不得不令人翻駁鄙意

四季之中風寒暑溼皆能鬱久在人身中鬱久故化爲熱所以溫病多於傷寒不得專泥於寒之一字也內經云冬不藏精春必病溫立言皆重於冬豈謂冬宜藏他時可以不藏乎鄙意四季之中人之精神固守腎氣內充一切時邪皆難侵受也所以古方治傷寒偏於溫散皆泥於寒之一字爲主故今之庸醫偶讀古方數則矇昧不明泥古不化每見用傷寒古方以治溫病鮮有見效懿櫻心久矣且身歷危險之症者再皆因始誤於表幸心血素虧不致昏迷尙能伏枕自查溫病條辨仿其滋陰甘涼治之得法而獲全愈故審悉斯症總名之曰

傷寒實係溫病也此書誠新立活命至寶之書也故大
地名區尚有讀書明理儒醫一二每遇病思義尙能解
釋以此法救人無有不效奈窮州僻壤竟無良醫專泥
於古方每見偶感風寒不察溫病傷寒傷風大肆溫表
亡其津液耗其血氣致令陰涸耳聾延成虛損以致不
起更有寒熱初起表裏並用一紙方藥必開有十三四
味有表有降使邪降之入裏能令人結胃發狂等症真
誤人之甚也尙有表藥之中雜以補藥並以參爲君名
曰參蘇飲使風寒之邪未解關之入裏誠所謂閉門殺
賊每致令人病久不愈此藥再無效則云虛矣不論人

之邪盡與不盡各種補劑頻施致令昏憤狂譫而死實堪痛恨懿連年隨宦廣德渦陽見此三種治法最多夫札頻聞民罹其苦心竊憫之故將傷寒傷風溫病始終治法詳辨明晰苟能遇此重症陡然大發寒熱則定知係傷寒溫病只要初起用藥不誤一二劑藥即將邪氣攆出病卽霍然傷寒不致令其傳經溫病不致令其昏憤狂譫懿屢經驗矣敢爲天下人告非但有益於人利人亦利己也

傷寒溫病原由

此症雖屬外感然多患於勞心之人並處以深幽之屋

空氣不得流通最易於患此乃緣勞心操作血氣每多
壅滯凡風寒暑溼凝結不散收入臟腑積久復感風寒
暑溼因之激起而作故每發病如陡然發寒壯熱其病
必重人之身中肺爲華蓋上有兩管一爲食管上承飲
食一爲氣管以通呼吸所以受病皆由呼吸引進故病
始來皆在肺經須用輕散肺邪得汗卽愈不致傳至各
經矣故西醫治病之法雖不及中國而杜病之法實有
甚於中國者凡人苟能節勞以保腦力時吸新鮮空氣
以保肺氣兼能運動使血絡流通自能百病不生而臻
壽域矣

脈辨

脈浮緊惡寒謂之傷寒脈數寒少熱多謂之溫病脈緩惡風謂之傷風脈盛壯熱謂之熱病脈虛身熱謂之傷暑醫者不可不辨

傷風論

傷風者每遇暴寒暴熱衣被冷熱不勻或坐卧當風或由窗隙翦風傷人當時感受則流清涕或鼻塞不通聲重頭痛亦發寒熱有嚏有汗此來勢緩其症亦輕只要衣衾帶暖忌風忌油即不服藥亦可就愈如久不解則宜香蘇飲解之

香蘇飲

蘇葉

壹錢伍分

荆芥

壹錢伍分

防風

壹錢

川芎

壹錢

製香附

壹錢貳分

生甘草

伍分

生薑

叁片

為引

如有身痛加秦艽

壹錢

鼻塞流涕加半夏陳皮如咳嗽

加杏仁桔梗前胡蘇葉改為蘇梗一劑得汗而熱退不

必再服不退再服一劑無有不愈者但忌風忌油

溫病論

溫病之症有九條有風溫有溫熱有溫疫有溫毒有暑
溫有溼溫有秋溫有冬溫有溫瘧是也皆由風寒暑溼
由口鼻而入於肺鬱久感時氣而發初發亦陡發寒熱

不解即早退熱晚又復發熱頭痛昏脹面色多油滯發熱一二日即作渴或不渴熱後有油汗一二日後即早起清爽下午發熱尺膚熱者言下身部熱愈甚也其脈不緩不緊而動數寸脈獨大右手脈盛於左手溫熱雖久在一經不移木似傷寒之傳各經也

風溫治法

風溫者初春陽氣始開肝經行令溫風相感而發作也始發寒而惡風寒者桂枝湯主之

桂枝湯

桂枝 叁錢
白芍 壹錢伍分
炙甘草 壹錢

生薑貳小片大棗壹枚水二杯煎至香氣大出即

取服不可過煎一經轉熱則無須服

寒後但熱不惡寒而口渴者辛涼平劑銀翹散主之不
口渴者亦效

銀翹散

連翹貳錢銀花貳錢苦桔梗壹錢貳分生甘草壹錢

薄荷壹錢竹葉捌分荊芥穗捌分牛蒡子壹錢貳分

淡豆豉壹錢鮮葦根貳錢去節

藥不可過煮煎至香氣大出即取服煮久則入中焦不
能發汗矣病勢重者日二服夜一服服後須汗出即解

如身痛加秦朮 壹錢貳分 頭痛加蔓荊子 壹錢貳分 胸

膈悶者加鬱金 壹錢貳分 藿香 壹錢 咳者加杏仁 壹錢

伍分 利肺氣渴者加天花粉 壹錢伍分 衄者加白茅根

貳錢 側柏葉 壹錢伍分

春温治法

春温症由冬寒內伏藏於少陰心腎經發於少陽三焦
膽經寒邪深伏已經化熱前賢以黃芩湯為主方用苦
寒直清裏熱熱伏於陰苦味堅陰乃正治也此方不因
新感而發者甚妙

黃芩湯

黃芩 叁錢 炙甘草 貳錢 白芍 貳錢 大棗 貳枚去核

水五杯煮取二杯分二次服

若因外邪先受引動在裏伏熱必先用辛涼以解新邪
須先用葱豉湯此方爲溫熱初病開手必用之劑雄葉
皆主此方謂勝於開創之方也

葱豉湯

葱白 壹握 香豉 伍錢 水七杯煎成三杯日三服原

方加童便余主不用童便亦可雄按蘆根桑葉滑
石蔗漿皆可隨症佐用

風熱入肺者頭脹咳嗽身不甚熱微渴者輕劑桑菊飲

主之

甜杏仁貳錢去皮尖

連翹

壹錢伍分

桑葉

壹錢伍分

苦桔梗

貳錢

薄荷

捌分

甘菊花

壹錢

甘草

捌分

水二杯煮取一杯日二服

溫熱治法

溫熱者春末夏初陽氣弛張溫盛為熱也脈洪渴甚面赤惡熱大汗者辛涼重劑白虎湯主之

夏日受暑多患此症然必須大汗大渴脈洪而熱不退者方可服也

按白虎方本為達熱出表若其人脈浮弦而細者不可

與也脈沈者不可與也汗不出者不可與也不渴者不可與也當細察數種勿令誤服此方用之得當應手而效用之不當禍不旋踵矣

辛涼重劑白虎湯

生石膏

陸錢

知母

叁錢伍分

生甘草

壹錢伍分

白粳米

半合

水五杯煎取二杯分二次服

溫疫治法

溫疫者感天地之厲氣厲氣必挾時毒或人煙稠密居室不慎飲食不潔或天時不正致相傳染者多惟不可用溫表藥發汗發汗而汗不出者必發斑疹汗出過多

者必神昏譫語發斑者徧體赤紅成片甚則轉黑色則病危矣疹者小紅粒成片成朵之象皆溫毒蘊久而成也發斑者化斑湯主之發疹者銀翹加減湯主之

化斑湯

石膏 壹兩 知母 肆錢 生甘草 叁錢 犀角 貳錢

元參 叁錢 白粳米 壹合 水八杯煮成三杯日三服

疫症初起寒熱頭痛煩燥譫妄肢冷身熱舌刺唇焦一切火邪表裏俱盛狂躁心煩口乾咽痛大熱乾嘔吐血衄血熱甚發斑不論始終以清瘟敗毒飲主之

清瘟敗毒飲

生石膏

捌錢

小生地

貳錢

烏犀角

貳錢

真川連

壹錢

梔子

壹錢伍分

桔梗

壹錢伍分

黃芩

壹錢伍分

知母

貳錢

赤芍

貳錢

元參

貳錢

連翹

貳錢

甘草

捌分

粉丹皮

貳錢

鮮竹葉

壹錢伍分

發疹者用銀翹加減湯主之

銀翹加減湯

連翹

貳錢

銀花

貳錢

苦桔梗

壹錢貳分

薄荷

捌分

牛蒡子

壹錢貳分

竹葉

捌分

生甘草

壹錢

荆芥

捌分

元參

貳錢

細生地

貳錢

大青葉

陸分

粉丹皮

壹錢伍分

神昏譫語者清宮湯主之身體強壯者牛黃丸紫雪丹

至寶丹主之

清宮湯

此方凡溫病汗後餘熱不清每有發迷神昏用此方減犀角甚效

元參心

貳錢

蓮子心

伍分

竹葉捲心

貳錢

連翹心

貳錢

犀角尖

壹錢伍分 磨沖

連心麥冬

叁錢

加減法熱痰盛加竹瀝梨汁各一匙咳痰不清加

栝婁皮五分神昏甚者加九節菖蒲三分荷葉二

錢

牛黃丸

紫雪丹

局方至寶丹均詳溫病條辨

大藥鋪皆有賣者

溫毒治法

温毒者乃春夏之交地氣發泄人身陰氣素虧不能上
濟心火故有此症或咽痛或喉腫不痛但外腫甚則耳
聾俗名大頭温蝦蟆温者普濟消毒飲去升麻柴胡初
起再去芩連三四日不退便結者加黃芩貳錢枳壳貳錢

普濟消毒飲加減方

連翹貳錢薄荷陸分馬勃捌分芥穗陸分僵蠶壹錢

牛蒡子壹錢貳分元參貳錢銀花貳錢苦桔梗貳錢

甘草壹錢板藍根壹錢鮮葦根壹錢去節

共爲粗研鮮葦根煎湯入藥煎一開去渣服

陰虛之人易感温毒如白喉赤喉喉痺喉蛾喉風等症

惟有養陰清肺湯最為神效惟世人只知白喉忌表必
喉中生白方敢用此方殊不知赤腫均可用其功能養
真陰清肺熱故耳尚有喉痛而兼發寒熱世醫謂之風
火喉症用以防風荆芥山豆根射干等類必致更甚余
癸卯年治六兒喉痛始用養陰清肺湯雖見鬆象尚未
全愈因思既發寒熱必感時氣遂以湯中加連翹銀花
引用竹葉心二錢服之立刻見效痛熱均除矣

養陰清肺湯

- 大生地 伍錢
- 元參 肆錢
- 麥冬 叁錢
- 薄荷 壹錢貳分
- 炒白芍 貳錢
- 粉丹皮 貳錢
- 貝母 貳錢
- 甘草 壹錢

如痛勢重者須每樣加一倍發熱加連翹叁錢銀

花叁錢火重者加蓬大海壹枚竹葉心貳錢大便

閉結加枳實貳錢黃芩壹錢伍分小便短赤加澤

泄貳錢知母貳錢

暑温治法

暑温者長夏受暑之病偏於熱者也形似傷寒頭痛身痛發熱惡寒右脈洪大而數左脈反小於右傷寒先發寒而後熱傷暑先發熱熱極而惡寒口渴面赤汗大出者名暑温白虎湯主之脈芤汗多不止者白虎加人參主之方見前

暑温症頭痛發熱無汗香薷飲總嫌其温燥鮮有效驗
自製銀翹加減方屢有功效

銀翹加減祛暑方

銀花 叁錢 連翹 貳錢 薄荷 壹錢 竹葉 貳錢 蔓荊子 貳錢

冬桑葉 貳錢 飛滑石 叁錢 生甘草 伍分 鮮扁豆花 壹枝

鮮荷葉邊 貳錢

暑温發汗暑症已減餘邪不解但頭微脹目昏或偶受
暑熱輕者惟有頭脹目昏皆可以清絡飲主之

清絡飲方

鮮荷葉邊 貳錢 鮮扁豆花 貳錢 西瓜翠衣 貳錢 鮮竹

葉心貳錢 鮮銀花貳錢 絲瓜皮貳錢

水二杯煮取一杯日二服

伏暑者長夏受暑過時而發者名曰伏暑霜降以前發者稍輕霜降以後發者則重其症發時頭痛惡寒熱舌白與傷寒同惟面赤煩渴脈濡而數不似傷寒脈緊而緩也伏暑治法有三詳後

伏暑症舌白口渴無汗者銀翹散去牛蒡加杏仁壹錢伍分

滑石貳錢 主之

伏暑症舌赤口渴無汗者銀翹散加生地壹錢伍分 丹

皮捌分 赤芍捌分 麥冬壹錢伍分 主之

伏暑症舌白口渴有汗或大汗不止者銀翹散去牛蒡

荆芥加杏仁

壹錢
貳分

石膏

貳錢

黃芩

壹錢

主之脈洪大渴

甚汗多者仍用白虎法脈虛而芤者仍用人參白虎法
又溫熱贅言云暑月乘涼飲冷陽氣爲陰寒所遏皮膚
蒸熱凜凜畏寒頭痛自汗煩渴或腹痛吐瀉陰暑外襲
者用香薷飲陰暑內侵者用大順散緣吐瀉肢冷脈伏
是脾胃之陽爲寒溼所蒙不得伸越故以乾薑肉桂散
寒和胃杏仁甘草和氣調脾然廣皮茯苓仍不可少此
宗仲景治陰邪之霍亂而用理中之旨也

香薷飲方

香薷貳錢 銀花叁錢 鮮扁豆花叁錢 厚朴壹錢

連翹貳錢 水五杯煮取二杯先服一杯得汗止後

服不汗再服

大順散

杏仁貳錢 乾薑貳錢 肉桂壹錢 甘草壹錢 茯苓叁錢 廣皮壹錢伍分

暑熱內結大瀉肢冷脈伏宜五苓去白朮加滑石黃芪

皮甚效

五苓散加減方

豬苓貳錢 茯苓貳錢 澤泄叁錢 桂枝壹錢 飛滑石叁錢

黃芪皮貳錢

溼温治法

溼温症始惡寒後但熱不寒舌白身痛渴不引飲頭目昏重胸悶不飢午後身熱狀似陰虛脈弦細而濡名曰溼温汗之則神昏耳聾甚則目瞑不欲言下之則洞泄潤之則病深不解三仁湯主之。

三仁湯方

此方寒熱初起不甚合拍

杏仁

叁錢

飛滑石

肆錢

白通草

壹錢伍分

薏苡仁

肆錢

法夏

貳錢

白蔻仁

壹錢伍分

川厚朴

壹錢貳分

姜汁製

甘瀾水八碗煮取三碗分二次服

自擬溼温初起效方

淡豆豉 叁錢 桔梗 貳錢 飛滑石 肆錢 蒼朮皮 壹錢伍分

茯苓皮 叁錢 竹葉 壹錢伍分 廣陳皮 壹錢伍分 鮮霍香葉 壹錢伍分

甘草 肆分 連翹 貳錢 銀花 叁錢 通草 壹錢伍分

如惡寒無汗者加葛根二錢

溼熱症發熱胸痞肌骨作痛始終無汗者暑邪內閉也

此方甚效非但治溼溫暑溫亦著靈效

六一散 壹兩 薄荷 肆分 泡湯調下即汗解

溼熱症身熱口渴嘔吐清水或溼熱內甯痰火上逆宜

加減溫膽湯

溫膽湯加減方

竹茹貳錢 栝蘂貳錢 枳實貳錢 橘紅壹錢伍分

法夏貳錢 茯苓壹錢伍分 炙甘草捌分

碧玉散貳錢 冲服 碧玉散即六一散少加青黛

溼熱症嘔惡不止晝夜不差肺胃不和胃熱移肺肺不

受邪也宜用

蘇葉叁分 川連肆分

煎湯呷下即止

溼鬱經絡身熱身痛汗多自利胸腹白疹內外合邪辛

涼淡滲法薏仁竹葉散主之

薏仁竹葉散

薏苡仁 伍錢 竹葉 叁錢 白蔻仁 壹錢 茯苓塊 伍錢
白通草 壹錢伍分 連翹 叁錢 飛滑石 伍錢

共爲細末每服五錢日三服

溼溫邪入心胞神昏肢逆清宮湯去蓮心麥冬加銀花
赤小豆皮溼溫著於經絡多身痛身熱之候醫者誤以
爲傷寒而汗之遂成是症

清宮湯加減法

犀角 壹錢 連翹心 叁錢 元參心 貳錢 竹葉心 貳錢
銀花 貳錢 赤小豆皮 叁錢

溫瘧治法

温瘧初起尚在肺經瘧之至淺者舌白渴飲咳嗽頻仍
伏暑所致名肺瘧宜速用杏仁湯輕宣肺氣無使邪聚
則愈

杏仁湯方

杏仁 叁錢 黃芩 壹錢伍分 連翹 壹錢伍分 茯苓塊 叁錢

滑石 叁錢 桑葉 壹錢伍分 白蔻皮 捌分 梨皮 貳錢

水三杯煮取二杯二次服

温瘧骨節煩疼或多熱少寒時作嘔吐名曰温瘧汗多
口渴者白虎加桂枝湯主之

白虎加桂枝湯方

知母 叁錢 生石膏 捌錢 粳米 半合 桂枝木 壹錢伍分

炙甘草 壹錢

水四碗煮取二碗先服一碗得汗為度不知再服

中病即止

瘧症脈左弦暮熱早涼汗解渴飲少陽瘧偏於熱重者
青蒿鱉甲湯主之

青蒿鱉甲湯

青蒿 叁錢 知母 貳錢 霜桑葉 貳錢 鱉甲 伍錢

花粉 貳錢 粉丹皮 貳錢

少陽瘧如傷寒偏於寒重而熱輕脈弦遲者小柴胡加

乾姜陳皮湯主之

小柴胡加減湯

柴胡貳錢 黃芩壹錢 半夏壹錢五分 炙草貳錢 西潞黨伍分

天花粉貳錢 乾薑壹錢五分 陳皮壹錢五分

大棗二枚去核生薑二小片水四杯煮取二杯分

二次服

溼蘊成瘡舌白腕悶寒起四末渴喜熱飲名曰溼瘡厚

樸草菓湯主之

厚樸草菓湯

川厚樸壹錢伍分 杏仁壹錢伍分 草菓壹錢

半夏

貳錢

茯苓塊

叁錢

廣皮

壹錢

水五杯煮取二杯分二次服

瘧之爲病不外乎寒熱溫暑溼五種搜羅前五方以備採擇而莫妙李士材一方見效甚速方用升麻柴胡提陽氣上升使遠於陰而寒自止黃芩知母引陰氣下降使遠於陽而熱自退以生薑劫邪歸正以甘草和其陰陽此藥六味功效不可量也壬午年外子權廣德八月廿八患間日瘧發時言語氣不相續惟云上下氣不接每發以前必打呵欠數十個審系清陽不升濁陰不降故擬此方六味服之一劑得微汗氣息平和從此不發矣

截止之日系九月初五日也特記之以便後人名之曰

柴苓湯

柴苓湯方

升麻 貳錢 柴胡 貳錢 知母 壹錢伍分 甘草 伍分

黃芩 壹錢伍分 生薑 叁錢

中焦瘧寒熱久不止氣虛留邪奄奄不止者補中益氣

湯主之

補中益氣湯

炙黃芪 壹錢伍分 西潞黨 壹錢 土炒白朮 壹錢 炙甘草 壹錢

廣陳皮 伍分 當歸身 伍分 升麻 叁分 柴胡 叁分

生薑三片大棗二枚去核水五杯煮取二杯渣再
煮一杯

秋燥治法

秋燥者秋令燥氣傷及肺絡或發熱或咳嗽或惡寒熱
鼻塞隘乾或燥氣化火清竅不利等症右手脈數大肺
氣受傷也桑杏湯主之

杏桑湯方

甜杏仁

壹錢五分
去皮尖

桑葉

壹錢

北沙參

貳錢

象貝

壹錢

香豆豉

壹錢

炒梔皮

壹錢

梨皮

壹錢

水二杯煮取一杯頓服

燥傷肺胃陰分或熱或咳口渴甚者沙參麥冬湯主之

沙參麥冬湯

北沙參

叁錢

玉竹

貳錢

冬桑葉

壹錢伍分

扁豆

壹錢伍分

花粉

壹錢伍分

久熱久咳者加地骨皮二錢

水五杯煮取二杯二次服

秋燥傷肺新涼外加惡寒頭痛鼻塞噎塞咳嗽稀痰脈弦無汗者香蘇散主之

香蘇散

蘇葉

貳錢

半夏

壹錢伍分

茯苓

壹錢伍分

杏仁

貳錢

前胡

壹錢伍分

枳殼

壹錢伍分

陳皮

壹錢

甘草

伍分

苦桔梗 壹錢伍分 生薑 貳片 大棗 貳枚 去核

加減法無汗脈緊身痛加羌活一錢透汗之後咳不止加蘇梗去蘇葉羌活兼腹滿泄瀉者加蒼朮厚樸各一錢頭痛眉稜骨痛者加白芷一錢熱甚加黃芩一錢伍分

燥氣化火清竅不利如耳鳴目赤齟脹咽痛之類翹荷湯主之以清上焦氣分之燥熱也

翹荷湯

薄荷 壹錢伍分 連翹 壹錢伍分 黑梔皮 壹錢伍分

生甘草 壹錢 桔梗 貳錢 綠豆皮 貳錢

水二杯煮取一杯一頓服之日二服甚者日三服
加減法耳鳴者加羚羊角八分苦丁茶一錢目赤
者加鮮菊葉一錢五分苦丁茶一錢夏枯草二錢
咽痛者加牛蒡子一錢五分黃芩一錢

冬溫治法

冬溫治法與風溫治法同初起用銀翹散治之效以上
九種溫病皆類似傷寒溫表治法每致纏綿輕則重重
則死矣故陳士鐸曰凡病初起藥原易奏功奈人看不
清用藥錯亂往往變症蜂起苟能認清病源用藥得當
又何變症之生耶

傷風傷寒初起治法

如傷寒初起必寒熱頭痛身痛項強切其脈必浮而緊此傷寒也卽用桂枝甘草陳皮葛根各一錢服之卽汗出而愈

如傷風頭痛鼻塞咳嗽痰多清涕其脈必浮此傷風也卽以防風荆芥蘇葉甘草黃芩半夏各一錢服之卽愈不必再劑也此論甚爲確當簡便察其方亦甚穩妥故錄之

以上皆論溫病初起在太陰肺經上焦所宜辛涼解表法治之倘若對症自能藥到病除若治不得法或因循

失治則傳入陽明胃經病在中焦又須用中焦之法以治之。

醫學篇首卷之二

溫病傳入中焦治法

溫病由鼻口而入鼻氣通於肺口氣通於胃肺病逆傳則爲心包上焦病不治則傳中焦胃與脾也中焦病不治則傳下焦肝與腎也始上焦終下焦但初受之時斷不可以辛溫發其陽耳蓋傷寒傷人身之陽故喜辛溫甘溫苦熱以救其陽溫病傷人身之陰故喜辛涼甘寒甘鹹以救其陰彼此對勘自然瞭然於心目間矣

風溫 溫熱 溫疫 溫毒 冬溫 此五種傳入中焦治法同

陽明溫病卽溫病傳至中焦面目俱赤呼吸聲粗但惡熱不惡寒日晡熱益甚至大便閉小便澇舌苔黃再甚則黑有芒刺脈沈數有力甚則胸腹堅滿拒按喜用涼飲脈體反小而實者大承氣湯主之脈浮洪燥甚者白虎湯主之。

大承氣湯

大黃肆錢 芒硝貳錢 厚樸貳錢 枳實貳錢

水五杯先煮枳樸後納大黃芒硝煮取二杯先服一杯約二時許得便止後服不便再服一杯再不
便再服

白虎湯方見上

陽明溫病脈浮而促者減味竹葉石膏湯主之脈促謂數而時止如趨之過急忽一蹶然其勢甚急故以辛涼重劑透表雖現以上病象脈浮促仍不用下藥也故竹葉石膏主之

減味竹葉石膏湯

竹葉

伍錢

石膏

捌錢

麥冬

陸錢

甘草

叁錢

水八杯煮取三杯一時服一杯

陽明溫病諸症如前而微末致如前十分亢害脈不浮小承氣湯微和之或頭汗譫語不大便者宜小承氣湯

小承氣湯

大黃 叁錢 厚樸 壹錢伍分 枳實 壹錢

水五杯煮取二杯先服一杯得宿糞止後服不知

再服

陽明温病純利稀水無糞者謂之熱結旁流調胃承氣湯主之此方取芒硝入陰以解熱結反以甘草緩芒硝急趨之性使之畱中解結不然結不下而水獨行徒使藥性傷人也如下利譫語脈不實者用牛黃丸紫雪丹主之。

調胃承氣湯方

生大黃 叁錢 芒硝 伍錢 生甘草 貳錢

牛黃丸紫雪丹方見前

陽明溫病無上焦症數日不大便當下之若其人陰虛不可行承氣者增液湯主之服後經十二時仍不大便者合調胃承氣湯微和之。

增液湯方

元參 壹兩 麥冬 捌錢 連心 細生地 捌錢

水八杯煮取三杯口乾則與飲令盡不便再服

陽明胃病下後汗出當復其陰益胃湯主之下後無汗脈浮者餘邪未盡當用銀翹湯主之脈浮洪者白虎湯

主之脈洪而芤者白虎加人參主之。下後無汗脈不浮而數者清燥湯主之。

益胃湯方

北沙參 叁錢 麥冬 伍錢 細生地 伍錢 玉竹 壹錢伍分

冰糖 壹錢

水五杯煮取二杯分兩次服

銀翹湯方

銀花 伍錢 連翹 叁錢 竹葉 貳錢 生甘草 壹錢

麥冬 肆錢 細生地 肆錢

白虎湯方見前

清燥湯

麥冬 伍錢 知母 貳錢 人中黃 壹錢伍分 細生地 伍錢

元參 叁錢

加減法咳嗽膠痰加沙參 貳錢 桑葉 壹錢伍分 梨

汁半酒杯牡蠣 叁錢 牛蒡子 叁錢

陰虛之人溫熱壅滯中焦痞結大小便閉澇或大便不爽不致發狂熱迷過甚者未敢驟用承氣大黃芒硝恐傷其陰也余每用黃芩枳壳佐以滋陰等藥甚有效驗特開出以便採擇。

炙鱉甲 伍錢 鮮石斛 叁錢 知母 貳錢 炒枳壳 貳錢

瓜蒌仁 叁錢 黃芩 貳錢 廣陳皮 壹錢伍分 冬瓜仁 叁錢

清炙甘草 肆錢

如溼温加半夏 貳錢 白蔻皮 壹錢 服後大便仍不

解加火麻仁 叁錢 搗爛黃芩加一錢

暑温伏暑陷人胃經脈洪滑不寒惡熱面赤頭暈飲不解渴得水愈嘔胸下按之痛小便短大便閉陽明暑温水結胸也小陷胸湯加枳實主之

小陷胸湯加枳實方

半夏 叁錢 栝蒌 貳錢 黃連 壹錢 枳實 壹錢伍分

急流水五杯煮取二杯分二次服

暑邪久留三焦舌絳苔少熱搏血分者加味清宮湯主
之神識不清熱閉內竅者先與紫雪丹少許再與清宮
湯

清宮湯方見前

即於前清宮湯方中加知母三錢銀花二錢竹瀝三
茶匙沖入

暑溫伏暑三焦均受舌灰白胸悶泄瀉潮熱嘔惡煩渴
汗出溺短者杏仁滑石湯主之

杏仁滑石湯方

杏仁 叁錢 滑石 叁錢 黃芩 貳錢 橘紅 壹錢伍分

鬱金 貳錢 通草 壹錢 厚樸 壹錢 半夏 貳錢

水八杯煮取三杯分二次服

溼溫兼寒脾胃兩傷既吐且利寒熱身痛或不寒熱但腹中痛名曰霍亂寒多不飲水者理中湯主之熱多欲飲水者五苓散主之

理中湯方

西潞黨 貳錢 漂白朮 貳錢 乾薑 貳錢 清炙甘草 貳錢

水五杯煮取二杯分二次服

五苓散方

猪苓 伍錢 赤朮 伍錢 茯苓 伍錢 澤泄 捌錢 桂枝 壹錢伍分

共為細末百沸湯和服三錢

溼溫鬱於中焦脘連腹脹大便不爽者加減正氣散主之。

加減正氣散

藿香梗 貳錢

川厚樸 壹錢

姜製

大杏仁 貳錢

去皮尖

茯苓皮 貳錢

貳錢

生穀芽 叁錢

叁錢

綿茵陳 貳錢

貳錢

大腹皮 壹錢

壹錢

薏仁米 叁錢

叁錢

炒枳壳 壹錢伍分

壹錢伍分

水五杯煎取二杯分二次服

溼熱內蘊善飲傷脾食減泄瀉腹中隱痛胃苓湯加白芍甚效此方屢用多效。

胃苓湯方

漂蒼朮

貳錢淘米水浸
合黑芝麻炒

川厚樸

壹錢
姜汁製

廣陳皮

壹錢

炙甘草

伍分

建澤泄

壹錢

連皮茯苓

貳錢

桂枝

伍分

漂白朮

壹錢
土炒

杭白芍

貳錢

猪苓

壹錢伍分

生薑

貳片

大棗

貳枚去核

溼飲久羈脾胃不和氣虛挾痰胸膈間漉漉有聲乃痰飲積聚酒溼所傷多有此症外臺茯苓飲效

外臺茯苓飲方

西潞黨

叁錢

土炒白朮

貳錢

茯苓

肆錢

炙甘草

伍分

廣陳皮

壹錢

枳實

貳錢

生薑

貳片

溼熱內蒸致成黃疸外干時令內蘊水穀必以宣通氣
分爲要失治則爲腫脹由黃疸而腫脹者苦辛淡法二
金湯主之

二金湯方

雞內金

叁錢

海金沙

叁錢

川厚樸

壹錢

白通草

壹錢

大腹皮

壹錢伍分

猪苓

貳錢

水五杯煮取二杯二次服

嗜飲之人溼熱薰蒸面目發黃黃甚則黑心中嘈雜小
便赤澁費氏玉露飲主之

茵陳玉露飲

茵陳 叁錢 玉竹 叁錢 石斛 叁錢 花粉 貳錢 半夏 壹錢

廣皮 壹錢 茯苓 貳錢 山梔 壹錢伍分 雞距子 叁錢

萆薢 貳錢 薏仁 壹兩

溼熱流入膀胱氣鬱不化身面俱黃小便短赤者茵陳

五苓散主之

五苓散方見前

即用五苓散五錢配茵陳末一兩和勻每服三錢

治黃疸丹方

青殼鴨蛋敲一小孔納樸硝於孔中紙封燉熟日二服其義取一補一消治黃疸甚效嘗親試之初時便

澹不爽服樸硝而便反乾暢矣

溼溫內蘊飲食停滯氣血不得運行遂成滯下俗名痢疾初起腹痛脹者易治日久不痛不脹者難治脈小弱者易治脈實大數者難治先痢後瀉者易治先瀉後痢者難治先痢後瘧者易治先瘧後痢者難治酒客積熱及老年積溼者難治總之邪機淺者易治深入臟絡者難治諺云餓不死的傷寒填不死的痢疾故痢疾日行數十次下者既多腸胃空虛須藉飲食以補其虛方不致死也

自痢不爽腸中拘急欲成痢疾小便短者四苓合苓芍

湯主之

四苓合苓芍湯方

蒼朮 貳錢 豬苓 貳錢 茯苓 貳錢 澤泄 貳錢 白芍 貳錢

黃芩 貳錢 廣皮 壹錢伍分 厚樸 貳錢 煨木香 壹錢

水五杯煮取二杯分二次服

瘧邪內陷變痢久延時日脾胃氣衰面浮腹膨裏急肛墜中虛留邪加減小柴胡湯主之

加減小柴胡湯方

柴胡 貳錢 黃芩 貳錢 潞黨 壹錢 白芍 貳錢 粉丹皮 壹錢

當歸 壹錢伍分 穀芽 壹錢伍分 炒山查 壹錢伍分 炙甘草 壹錢

水八杯煮取三杯分三次服

痢疾已成忌用黃連服之倒胃不食腹痛而痢者用通利湯能宣通經絡痛止則通通則不痛也

治痢通利湯

車前

貳錢炒研

枳榔

壹錢

川樸

壹錢

炒查

壹錢

陳皮

壹錢

滑石

壹錢飛淨

紅糶

叁錢炒

澤泄

壹錢

枳實

壹錢

甘草

壹錢

燈心一撮同煎

又經驗治痢神效方

當歸

壹兩

白芍

壹兩

枳榔

壹錢

枳壳

壹錢

甘草

壹錢

蘿葡子

叁錢

車前子

壹錢

以上溫病傳入中焦治法如治不得法則傳入下焦肝腎所司則又當以下焦治法治之

醫學篇首卷之三

溫病傳入下焦治法

風溫 溫熱 溫疫 溫毒 冬溫 此五種症同治
溫病治不得法傳入下焦少陰腎經津液被劫心中震
震舌強神昏或口乾舌燥齒黑唇裂手足心熱或耳聾
或汗自出心中不自主者皆因誤用升散熱久耗傷真
陰少陰之液無以上供故熱邪不解脈虛大者均宜加
減復脈湯主之

加減復脈湯方

炙甘草

陸錢

乾地黃

陸錢

生白芍

陸錢

麥冬

伍錢不
去心

阿膠 叁錢 麻仁 叁錢

水八杯煎取八分三杯分三次服

温病誤表津液耗散汗大出不止中無所主者救逆湯主之。

救逆湯方

卽用復脈湯去麻仁加牡蠣八錢生龍骨三錢煎如復脈法脈虛欲脫者加參二錢

温病服承氣湯下後大便溏甚十二時三四行脈仍數者不可與復脈湯一甲煎主之

一甲煎方

生牡蠣貳兩 水八杯煮取三杯分三次溫服

下焦溫病大便溏瀉卽與一甲復脈湯主之

卽於加減復脈湯內去麻仁加牡蠣一兩

熱邪深入下焦脈沈數舌黑齒乾手指蠕動急防痙厥
二甲復脈湯主之

二甲復脈湯方

卽於加減復脈湯加生牡蠣五錢生鱉甲八錢

下焦溫病熱深厥甚脈細促心中澹澹大動甚則心中
痛者三甲復脈湯主之

三甲復脈湯方

卽於二甲復脈湯方內加生龜板一兩

按復脈湯方加減得法醫效最速真有起死回生之功
余於癸卯年患春溫延入下焦口渴唇焦舌黑心煩自
晡發熱津液枯耗已十分危險諸醫皆用小柴胡等方
不對症遲延未服延至下焦後自擬服此方後大戰床
柱地板皆爲之震動戰後繼之大汗邪因之得解後自
擬龜板鱉甲牡蠣等藥隨症加減而愈愈後自查條辨
云津液枯燥服存陰藥液增欲汗邪正努力紛爭則作
戰汗戰之得汗則生汗不得出則死所幸雖病有十餘
日未誤服補劑故戰而得汗卽愈此方經驗多人真可

傳也

少陰溫病真陰欲竭壯火復熾心中煩不得卧者黃連阿膠湯主之

黃連阿膠湯方

黃連 壹錢 黃芩 貳錢 阿膠 叁錢 白芍 壹錢 雞子黃 貳枚

水八杯先煮三味取三杯去滓納膠煬盡再納雞子黃攪令勻分三次服

溫病愈後溼痰流入胃腑嗽痰不咳徹夜不寐者半夏湯主之

半夏湯方

製半夏肆錢 秫米壹兩俗謂之高梁是也

水四杯煮取二杯分二次服

温病後虛煩不寐酸棗湯以和其陰

酸棗仁湯

棗仁叁錢 知母貳錢 扶神貳錢 川芎壹錢 炙甘草壹錢

枳實壹錢伍分 竹茹壹錢伍分

熱邪久羈吸燥真陰或因誤表或因妄攻神倦瘵瘵脈氣虛弱舌絳苔少時時欲脫者大定風珠主之

大定風珠方

生白芍陸錢 阿膠叁錢 生龜板肆錢 乾地黃陸錢

麻仁貳錢 生鱉甲肆錢 生牡蠣肆錢 連心麥冬陸錢

炙甘草肆錢 浮小麥貳錢 雞子黃貳枚

水八杯煮取三杯去滓再入雞子黃攪令相得分
三次服

婦女溫病經水適來脈數耳聾乾嘔煩渴辛涼退熱兼
清血分竹葉玉女煎主之

生石膏陸錢 乾地黃肆錢 麥冬肆錢 粉丹皮貳錢

知母貳錢 竹葉叁錢

水八杯先煎石膏地黃得五杯再入餘四味煮成
二杯先服一杯候六時再服一杯病解停後服

熱病經水適至十餘日不解神氣昏迷脈右長左沈痰熱在裡也加減桃仁承氣湯主之

桃仁承氣湯

大黃貳錢 細生地陸錢 粉丹皮叁錢 人中白貳錢

桃仁貳錢 炒 澤蘭貳錢

溫病愈後面色萎黃舌淡不欲飲水脈遲而弦不食陽氣虛也小建中湯主之

小建中湯方

白芍陸錢 桂枝肆錢 生薑叁錢 大棗貳枚 膠飴伍錢

炙甘草叁錢

水八杯煮取三杯去渣入膠飴火上煬化溫服三
次

溫病愈後或一月至一年潮熱脈數喜飲不食者胃陰
虛也五汁飲主之益胃湯亦主之。

五汁飲

梨汁 荸薺汁 鮮葦根汁 麥冬汁 藕汁或用
蔗漿

和勻涼服不喜涼者開水燉服

益胃湯

北沙參叁錢 麥冬伍錢 細生地伍錢 玉竹壹錢伍分
炒香

冰糖壹錢

水五杯煮取二杯分二次服滓再煮一杯服

伏暑溼温積留支飲懸於脇下而成脇痛或咳或不咳潮熱或寒熱如瘧狀不可誤認柴胡症香附旋覆花湯

主之

蘇子旋覆花湯方

蘇子霜 叁錢 旋覆花 叁錢 生香附 叁錢 法半夏 貳錢

廣陳皮 貳錢 茯苓塊 叁錢 薏仁米 伍錢

水八杯煮取三杯分温服腹滿者加厚樸痛甚者

加降香末

支飲上擁胸膈直阻肺氣木令下降呼吸難通非用急

法通利水道不可葶藶子性急瀉肺中之壅塞然性頗
慄悍恐傷脾胃故用大棗以護脾胃使不傷他臟一急
一緩一苦一甘相輔成功也

葶藶大棗湯方

苦葶藶

叁錢炒香
碾細

大棗

伍枚去核

水五杯煮取二杯分二次服 此方溼飲腰脇痛
不可忍等症神效余身經兩次溼溫痛不止百藥
不效此方服下即愈又外子酒溼黃疸每發必先
右脇痛且肢冷醫用辛溫服少許更甚服此方即
愈此經驗良方也

温病燥熱久羈傷及肝腎之陰上盛下虛或乾咳或夜熱甚則瘕厥者三甲復脈湯主之定風珠亦主之專翕大生膏主之

三甲復脈湯方 定風珠方 並見前

專翕大生膏

西洋參 肆兩 茯苓 肆兩 龜板 貳兩另 鱉甲 貳兩另 猪

脊髓 貳兩 牡蠣 貳兩 海參 貳兩 鮑魚 肆兩 白芍 肆兩

蓮子 肆兩 麥冬 肆兩 羊腰 壹對 雞子黃 伍兩 阿膠 肆兩

芡實 陸兩 熟地 陸兩 麋茸 貳兩 天冬 貳兩 白蜜 貳兩

烏骨雞 壹隻去頭足 五味子 壹兩 枸杞子 貳兩 炒黑桑寄生 兩

沙苑蒺藜 貳兩

右藥分二銅鍋忌用鐵器以食料歸一鍋以藥料歸一鍋文火細煉一晝夜去渣再熬二晝夜陸續合爲一鍋煎煉成膏末下三膠合蜜和勻以方中之有粉無汁之茯苓芡實蓮子白芍研細末合膏爲丸每服二錢漸加至三錢早晚二服此係照原方八分之一也 此方不專治溫病傷陰之症並治婦人血海乾涸屢屢墜胎或產後虛羸或小產後亡血過多虛不復元者均有奇效

溫病上中下焦之症大致不外乎此特將溫病條辨中

之精華摘錄常有之症常用之方並經驗者採出臨症查之以便明晰一目了然使天下之人不致受溫表藥劑之害似於生靈不無小補云爾

醫學篇首卷之四

傷寒論治

傷寒者風寒初受未發鬱久由肺深轉入膀胱經遇寒而發其勢必重陡然大寒繼以大熱頭痛如破骨痛如折無涕無汗大熱不渴脈必浮緊左手之脈盛於右手面色清白不油初起速用表劑使邪速從汗解而愈如不速表則遞傳各經愈轉愈深而難治初起輕則用加味香蘇飲或桂枝加葛根湯冬月則麻黃湯亦可用繼傳陽明胃經則目痛鼻乾唇焦不渴宜葛根湯再傳少陽膽經則耳聾目眩胸滿脇痛口苦寒熱往來頭汗脈

弦宜小柴胡湯隨症加減此三陽傳經之表症也失治則傳入三陰矣其傳太陰脾經者則腹滿痛下利脈沈宜大柴胡湯傳入少陰腎經者則口燥咽乾痛利清水目不明則危矣宜小承氣湯傳入厥陰肝經者小腹滿舌捲囊縮厥逆用大承氣湯亦有不傳三陰而傳入太陰脾腑者則口渴溺赤宜五苓散傳入陽明胃腑者則譫語狂亂燥渴便閉自汗不得眠宜白虎湯調胃承氣湯以上爲傳經傷寒因寒化火也其有初起寒邪直中三陰者其症腹冷痛吐清味利穀踈臥肢冷囊縮舌黑而潤脈沈細此寒症也中太陰脾經理中湯中少陰腎

經四逆湯中厥陰肝經白通加猪胆汁湯急投勿緩醫
中第一要症故專論之

傷寒一症雖系險症祇要初起審明症候速用表劑一
汗而愈萬不可夾用裏藥亦不可佐以補藥何爲裡藥
如厚樸枳壳神曲山查麥芽等下降之藥是也病初起
宜表藥者取其升發升發方能使邪由汗發泄汗出病
卽解也裏藥者下降之品能引邪入裏致令結胃發狂
等症也補藥者參芪朮等類每見時醫喜用參蘇飲爲
虛人發表之用殊不知卽虛人旣患風寒亦宜用表劑
表出邪汗非人身津液所化之汗試問凡患邪重者每

用表藥所出之汗必有一種異常熱蒸臭味出至清汗病即愈矣故云得汗即止後服者令出邪汗不令出傷津液之汗也故虛人傷風寒時邪之症亦宜速令表出再用清淡補劑以扶正氣並用飲食以養脾胃可也

桂枝湯方見上

麻黃湯方 治太陽傷寒無汗

麻黃 叁錢 桂枝 貳錢 杏仁 十貳枚 去皮尖 炙甘草 壹錢

葛根湯 治邪傳陽明胃經以此解肌

葛根 貳錢 升麻 壹錢 秦艽 壹錢 荆芥 壹錢 蘇葉 捌分

白芷 捌分 赤芍 壹錢 甘草 伍分 生姜 貳片 引

小柴胡湯 治寒熱往來少陽瘧疾耳聾口苦胸

滿脇痛

柴胡貳錢 法半夏壹錢 黃芩壹錢伍分 生潞黨伍分

赤芍壹錢伍分 甘草壹錢

發熱去參加桂枝一錢口渴去半夏加天花粉

大柴胡湯 治傷寒邪入太陰脾經

柴胡壹錢伍分 半夏柒分 黃芩貳錢 白芍貳錢

枳實壹錢 酒大黃貳錢

小承氣湯

大黃叁錢 枳實壹錢伍分 厚樸壹錢

大承氣湯

大黃 叁錢 枳實 壹錢伍分 厚樸 壹錢 芒硝 貳錢

五苓散 治小便不通

茯苓 叁錢 豬苓 捌分 澤泄 捌分 白朮 壹錢 桂枝 壹錢

白虎湯 治陽明胃腑大熱

生石膏 伍錢 知母 叁錢 甘草 貳錢 粳米 壹合

調胃承氣湯 治胃熱譫語便閉遶臍腹痛

大黃 叁錢 芒硝 壹錢 甘草 伍分

四逆湯 治少陰中寒肢冷厥逆

附子 伍錢 乾姜 伍錢 炙甘草 貳錢

白通加豬膽汁湯 治陰盛隔陽熱藥不入

附子

伍錢

乾姜

伍錢

葱白

貳錢

豬膽汁

伍茶匙

以上諸方皆仲景所擬以治傷寒之方也當今之世所患溫病者多每見用此等方治之必致決裂而傷寒症未嘗遇過故未輕易試用此方亦未知究竟有效否姑錄之使人人皆知溫病傷寒藥味治法不同以示區別也

